

三省边防备览

三省边防备览



三省邊防備覽

險要下

淑江嚴如煜輯

險要

鄖陽前西扼秦蜀東捍唐鄧南制荆襄北連商洛郡邑雄峙其中六牙相錯舟車萃止四塞奧

籌邊之所江漢所倚爲安危也

鄖關城東二十里史記貨殖傳通鄖關者也琵琶谷繞其下爲郡城門戶康熙初年撫治楊懋勲殲賊於此

天馬關在漢江之南一名天馬巖舊傳巖裂出天馬王三字當房縣竹山要路

月竹關城西南一百八十里山勢嵯峨磴道詰屈東南交房縣

西北通竹山亦爲要隘

梅家鋪城東北一百四十里重山疊嶂結有小坪東達河南浙川之荆子關北通陝西之商南爲郡東北要隘鄉民築堡爲固設有弁兵防守

江峪城東北一百八十里距梅家鋪四十里東連河南浙川北達陝西南商州連山疊嶂徑路崎嶇爲郡要險設有弁兵防守

白桑關城東北八十五里東通江峪北通梅家鋪西至雷峯堽十五里鄖縣爲房竹西則鄖西上津東北一路獨當豫省南陽汝陝衝要寇由豫竄入多在此路防維最爲緊要

楊溪塘白浪口相距十里城東一百七十里左界商南右界淅川花石埡草廟嶺相距十里城東北一百四十里右爲均州左界淅川山谷阻深均爲要隘

茅塔堡亭竹山相距十餘里城南一百八十里西界竹山南界房縣亦扼要之區

黃龍灘由堵河口而上在城西南一百六十里堵河兩岸有東西花果園相距五十里傍山臨水均爲要隘設弁兵防守

神定河城東南二十里源出竹山流入漢江將軍河城西北二百一十里北與紅石河會流入漢木瓜溝與白河接界均爲要隘設弁兵防守

天心山城西一百二十里方圓百餘里形如城垣四面有門上有石槽長數十丈山高林深爲鄖境巨山折而西名羊尾山蜿蜒至鄖西境內

廣山城西一百四十里高二十里頂濶二里餘周圍峭石森立狀若城郭下臨漢江北爲鄖西西爲陝西白河其西南五里卽孤山

房縣西連九石南抵建鼓楚蜀咽喉之會麋庸聯絡之區縱橫千里山林鞏固有如房屋蓋北縣也

老寨縣東二十里有後巖山險阻異常明劉千斤名通據之爲白圭所破後流賊王斌亦恃爲巢窟鄖鎮王光恩破之

博磨坪縣南一百八十里距冷盤垭三十里連峯疊巘中結小坪東通保康南接興山五方雜處往時移安板橋巡檢旋裁近議仍設巡檢要隘之區防範不可少疎

九道梁縣西南三百六十里在萬山中與四川大寧巫山接壤設有巡檢冷盤垭大小羅溪獐落河廟坪九湖坪各要險均相毗連鷄鳴口尤爲要隘嘉慶元年巡檢黃詔於此堵賊陣亡防範不可少疎

上龕縣西南二百一十里房之西境馬鬃嶺老旺垭均皆要險崇山深谷凹凸起伏無一處平坦此地稍爲寬敞頗有水田東接九道梁西連獐落河戡伐時大營往往駐此設有守備

三省邊防
營防守

獐落河縣西一百六十里至陰條嶺一百八十里通四川大昌
大寧巫山最爲扼要設有弁兵防守

冷盤垭縣東南通興山臺口臺口在五臺山下接連老官寨甲
長坡均通興山要隘

板橋縣西北一百八十里右捷路出磬口卽堵水凍通大木
廠往郡城要路

洛陽河山在城南四百六十里山上十二坪甚廣有池名九湖
坪坪中有一峯名曰嘯天龍九湖坪上下老林百餘里葱蒼
蓊鬱極其幽邃羊腸詰屈險阻異常與大昌大寧接壤

十盤山縣東北一百四十里懸巖千仞駭人心目中有石徑屈折十盤方躋其嶺秦有七盤高聳連雲十盤險更甚矣

房山縣西南四十里四面石室如房縣因得名

竹山縣東接均房西距岷漢爲古上庸國分封之地九里岡起伏於後鷄公嶺聳峙於前實爲壯邑

方城山城東三十里山上平坦四維險固圍護如城春秋庸叛楚使盧戢黎侵庸是也屈完對齊桓之方城在今葉裕之間名同而地異

官渡堡縣南一百二十里崇山陡拔溪水激湍爲南山要口設有守備營防守

白河口城南二百四十里北至平河口三十里經大平渡鐵路
口爲赴房縣問道西由公祖河七十里至柳林店抵竹谿縣
向家壩與核桃園相連南一百二十里洪坪又一百里經羅
漢下甕子至青龍坡張公橋與竹谿縣山內往四川大寧大
昌之路相會重山疊巘中結小坪爲山中小場舊設有弁兵
近議以房縣二竹南山內適中之地設同知廳治

洪坪堡縣南三百餘里北距鄧家壩八十里西至三才河與四
川大寧縣交界連岡疊嶂羊腸詰屈明山寇野王剛聚衆據
險撫治戴珊捕之置堡爲竹山南要路設有弁兵防守

田家壩縣西南三十里店社星繁水陸交通山中鉅鎮

界山有三界堡北接陝西白河西連竹谿縣亦爲要隘

吉陽關縣東一百里在聖母山麓北有關嶺綿亘甚長北接白

河東通鄖縣山峻路險設有弁兵防守

保豐一作寶峯縣西九十里達四川陝西要路

兩河口縣西南五十里官渡柿河二水至此相會南至白河口

七十里山勢穹窿溪流湍激均通四川要路設有弁兵防守

化峪河塘在堵河東岸對寺河在堵河西岸均爲要險設有弁

兵防守高興寨徐家坪與陝西洵陽接界

竹谿縣本竹山地成化十二年割竹山尹社店地方置縣縣境

東西相距一百二十里北接洵陽亦一百二十里南界平利

大昌大寧與房縣接界計五百六十里包絡竹山之外關隘重重控制秦蜀

鑼鼓洞城東五十里卽磁瓦關頗爲險峻通竹山房縣要路柏林岡亦與竹山接壤縣河鎮城東六十里

核桃園城西四百二十里二竹房縣之境東西相距各一百數十里南北相距六七百里北與郢竹白河洵陽平利接壤均在二百里而近西與四川巫山大寧本省興山巴東歸州交界均五百里而遙環遶千數百里高山峻嶺穹窿幽邃古木叢篁蒙密蒼蔚明史流賊暨嘉慶年間教匪滋事往來劫掠多在此帶奔竄地勢使然防範爲急三縣山內無平曠之區

惟竹谿核桃園稍爲雄濶水廻山環軍興時曾紮十三大營
東至向家壩二十里山內有小市場壩寬一二里長五六里
雄壯不如園而地稍平坦

向家壩崇墉百雉可斷川秦竄逸徑路北至竹山洪坪汛一百
四十里東北至房縣九道梁二百四十里東南至巴東縣險
峪河二百八十里西南至大寧鷄心嶺三百九十里

香溪界嶺縣西南三百六十里與四川連界渡船口縣南撰河
寨縣南西設有弁兵防守

洞峙山縣西南五十里懸巖萬仞飛泉倒瀉循麓而上蹊徑絕
陡相連大寨可容數千人康熙甲寅楊來嘉謝泗之亂竹谿

三省邊防佚覽
營擁衆以守賊屢攻不能下遂遁去

雲露溝梓潼埡均在縣西與白土關相通爲湖陝邊境相扼要
監嘉慶三年李董二參將捐軀於此

保康縣本房縣地明宏治六年割房縣潭頭坪之地置縣東枕
屹峪南帶峽沙西按筆架北接烏峽屹然巖險之隅

千家林縣南六十里層巒疊嶂結成巨嶺西連紅巖寺東接程
起山廣百里有奇袤五六十里其上寬坦霧作則冥濛莫辨
登者紀路以標鄉民常避亂於此

梅子埡縣東北二十里與官山接連東北四十里通穀城界觀
音塘縣東八十里水田坪縣東南九十里均與南漳接

野猫洞東連驢頭坡西接欽馬河通宜昌府東湖興山之路設
弁兵防守

鄖西縣本舊上津縣並鄖縣地成化十二年割鄖縣之武陽上
津之津陽置鄖西縣東連均浙西枕金洵南阻楚水北抵商
洛千峯百澗嶺崎蜿蜒實秦楚之交會鄖襄之屏藩

安家河在縣東北箭流舖在縣東火車嶺在縣南八里川在縣
西吊橋在縣北均扼要之區

甲河關縣西南一百一十里河自漫川上津六郎關從此入漢
小舟沂流而上直達商洛

黃龍洞縣西七十里黃鶯舖洞口廣三丈高一丈中空十餘里

明季寇亂土人避難其中生全甚多黃鶯鋪設有弁兵
十八盤上津西一百五十里高峻盤折十八曲方躋其嶺
紅崖上津西北一百七十里穹窿崔嵬四面石壁峭立上稍平
坦地極高寒冬雪結冰春融方釋磴道登陟維艱明季上津
縣治燬於賊官師寄治於此

夔州府控帶二州限隔五溪據荆楚之上游爲巴蜀之喉咽史
記楚肅王四年爲扞關以拒蜀華陽國志巴楚相攻伐置江
關陽關東漢公孫述使將軍任滿下江州東四十里據
田戎出江關拔巫及彝道彝陵據荆門虎牙建武十一年
彭大破田戎於荆門率諸軍長驅入江關則已

峽之險奪全蜀之口公孫述之敗亡可立決矣東至湖北歸州三百三十里南至湖北施南府五百里西至忠州七百里北至陝西平利縣八百里自府治至成都一千九百里奉節縣附郭卽古魚復城

白帝山府東十三里峽中望之孤特峭立北緣馬道接赤甲山其平處南北相距八十五丈東西二十丈故巴東郡治此卽白帝城也四面峭絕惟馬嶺差逶迤晉益州刺史鮑隨鎮此爲譙道福所圍城中無泉乃南開水門鑿井爲函設機取之赤甲山在府東北十五里不生草木土石皆赤如人袒臂本名

赤岬山